



REVOLVING FUND

Financing projects to reduce energy consumption and use of Renewables as Energy Efficiency measures

Poziv za:

Program finansiranja projekata smanjenja potrošnje energije i korištenja obnovljivih izvora energije kao mjere energetske efikasnosti u javnom i privatnom sektoru kroz Revolving Fond

Poštovani,

U toku implementacije petogodišnjeg (2013-2018) projekta Zeleni ekonomski razvoj, UNDP je dao značajan doprinos u institucionalizaciji aktivnosti upravljanja energijom unutar zgrada javnog sektora u Bosni i Hercegovini, te promociji energetske efikasnosti i korištenja obnovljivih izvora energije. Institucionalizacija energetske menadžmenta je uvedena u osam (8) kantona, a odluka o obaveznom unosu podataka o potrošnji u EMIS sistem je usvojena u pet (5) kantona i u Republici Srpskoj. U periodu od 2013. do 2017. godine infrastrukturne mjere provedene su na preko 86 javnih objekata (ukupne investicije 16,7 miliona KM) u svrhu poboljšanja energetske efikasnosti (EE). Ove aktivnosti su rezultirale godišnjem smanjenju emisija CO₂ za cca 7.000 tona, ukupnih novčanim uštedama u iznosu od 2,7 miliona KM, boljim uslovima življenja, stvaranju 818 "zelenih radnih mjesta", odnosno 4,8 miliona KM neto plata i razvijanju svijesti o benefitima energetske efikasnosti. Baziran na ovom iskustvu i vidljivim rezultatima, UNDP sa svojim partnerima na projektu *Zeleni ekonomski razvoj* i dalje nastavlja promovirati i raditi na povećanju EE u javnom sektoru, na lokalnom i državnom nivou, kroz različite projektne aktivnosti.

Fond za zaštitu okoliša FBiH i RS je kroz tehničku asistenciju UNDP-a i projekta "Zeleni ekonomski razvoj", radio na uspostavi Revolving fonda za finansiranje projekata energetske efikasnosti (EE) i obnovljivih izvora energije (OIE). Uspostavom navedenog finansijskog mehanizma specijaliziranog za finansiranje jasno definiranih vrsta projekata, stvara se mogućnost značajnog promicanja energetske efikasnosti i obnovljivih izvora energije u javnom i privatnom sektoru. U svrhu jačanja kapaciteta, uz profesionalno osposobljavanje i usavršavanje svih zainteresiranih korisnika i aplikanata sredstava putem Javnih poziva iz Revolving fonda, imamo čast najaviti realizaciju jednodnevnog programa stručne edukacije namijene Općinama/Kantonima, predstavnicima javnih objekata, komunalnih preduzeća, te malih i srednjih preduzeća.

Ovim putem, pozivamo sva zainteresovana lica javnog i privatnog sektora da uzmu učešće na jednodnevnoj stručnoj edukaciji pod nazivom:

**PROGRAM FINANSIRANJA PROJEKATA SMANJENJA POTROŠNJE ENERGIJE I KORIŠTENJA OIE
KAO MJERE EE U JAVNOM I PRIVATNOM SEKTORU KROZ REVOLVING FOND**



Bijeljina: 21. septembar 2017. – ETNO SELO STANIŠIĆ
Tuzla: 22. septembar 2017. – DRAMAR CENTAR
Banja Luka: 05. Oktobar 2017. – PRIVREDNA KOMORA RS
Bihać: 06. oktobar 2017. – Hotel EMPORIUM
Zenica: 12. oktobar 2017. – Hotel DUBROVNIK
Teslić: 13. oktobar 2017. – Hotel KARDIAL
Međugorje 19. oktobar 2017. – ETNO SELO HERCEG
Mostar: 20. oktobar 2017. – INTERA TEHNOLOŠKI PARK
Višegrad 02. novembar 2017. – ANDRIĆGRAD
Sarajevo: 03. novembar 2017. – Hotel HILLS SARAJEVO

Organizatorski okvir Programa čine UNDP u partnerstvu sa Fondom za zaštitu okoliša FBIH, Fondom za zaštitu životne sredine i energetske efikasnosti Republike Srpske, Privrednom/Gospodarskom komorom FBIH, Privrednom komorom Republike Srpske, Vladom Švedske, Češkom razvojnom agencijom, te Udruženjem termoenergetičara BiH, pod tehničkom asistencijom organizacija CETEOR Sarajevo i CRP Tuzla.

Kroz jednodnevni stručni program, svim zainteresiranim licima će se ponuditi stručno osmišljen program o metodologiji apliciranja projektnih prijedloga putem Javnih poziva, kroz konkretne primjere i tematske oblasti relevantne za sticanje uslova dobivanja sredstava iz Revolving fonda, potrebnih za implementaciju mjera energetske efikasnosti i obnovljivih izvora energije, vođen od strane renomiranih stručnjaka iz ove oblasti.

Učesnici su **oslobođeni kotizacije**, uz napomenu da je broj učesnika Programa ograničen; s toga Vas molimo da se putem Obrazca za prijavu, pravovremeno registrujete i to na:

dzjusufovic@ceteor.ba ili fax: 033 205 725

U prilogu Poziva dostavljamo *Agendu Programa*, sa tematskim sadržajem i planiranom satnicom¹.

Više informacija o samom Programu, kao i o svim ostalim administrativnim pitanjima, možete dobiti na:

Kontakt osobe

Ismar Jamaković, **CETEOR Sarajevo**
Tel: (033) 563 585
e-mail: ijamakovic@ceteor.ba

Džana Jusufović, **CETEOR Sarajevo**
Tel: (033) 563 586
e-mail: dzjusufovic@ceteor.ba

Darko Tišma, **CRP Tuzla**
Tel: (035) 248 340
e-mail: darkot@crp.org.ba

Ervin Đember, **CRP Tuzla**
Tel: (035) 255 217
e-mail: ervin@crp.org.ba

S poštovanjem,

Organizatori Programa: CETEOR Sarajevo/ CRP Tuzla

Prilog:

- Agenda Programa; Prijavni obrazac

¹ Organizator zadržava pravo izmjene satnice